



Broj: JN1 11-03-26-257-15/25  
Sarajevo, 11.11.2025. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14, 59/22 i 50/24), a na osnovu preporuke Komisije za javne nabavke broj: JN1 11-03-26-257-14/25 od 05.11.2025. godine u postupku nabavke ugovaranja usluga fotografisanja i obrade fotografija, *donosi*

**ODLUKU**  
**o izboru najpovoljnijeg ponuđača**

**I**

Prihvata se preporuka Komisije za javne nabavke o izboru najpovoljnijeg ponuđača za javnu nabavku ugovaranja usluga fotografisanja i obrade fotografija i dodjeljuje se ugovor ponuđaču „WOLF MEDIA“ d.o.o. Sarajevo, za ponuđenu cijenu od 10.252,00 KM bez PDV-a, kao najbolje ocjenjenom u postupku provedenom putem konkurentskog zahtjeva za dostavu ponuda broj: JN1 11-03-26-257-5/25.

**II**

U slučaju da na odluku o dodjeli ugovora nema žalbe ugovor će se zaključiti u roku od 10 dana, računajući od dana obavještanja učesnika postupka o izboru najpovoljnijeg ponuđača.

**III**

Za izvršenje ove odluke zadužuje se Sektor za nabavku i logistiku/Odsjek za ugovaranje nabavke i prodaje.

**IV**

Ova odluka objavit će se na web stranici Ministarstva odbrane Bosne i Hercegovine [www.mod.gov.ba](http://www.mod.gov.ba)

**V**

Ova odluka stupa na snagu danom donošenja i ista će se dostaviti svim ponuđačima u postupku javne nabavke.

## O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj JN1 11-03-26-257-4/25 od 06.10.2025. godine.

Javna nabavka je sprovedena putem konkurentskog zahtjeva za dostavu ponuda broj: JN1 11-03-26-257-5/25.

Procjenjena vrijednost javne nabavke je 10.256,41 KM bez PDV-a. Vrijednost okvirnog sporazuma na 4 godine iznosi 41.025,64 KM bez PDV-a.

Obavještenje o javnoj nabavci broj: 723-7-2-821-3-821/25 objavljeno je na portal javnih nabavki dana 15.10.2025. godine.

Komisija za javnu nabavku imenovana je Odlukom broj: JN1 11-03-26-257-6/25 od 10.10.2025. godine.

Komisija za javnu nabavku dostavila je dana 05.11.2025. godine Zapisnik o otvaranju ponuda broj: JN1 11-03-26-257-12/25 od 05.11.2025. godine, te nakon izvršene ocjene i vrednovanja ponuda dostavila Zapisnik o ocjeni ponuda broj: JN1 11-03-26-257-14/25 od 05.11.2025. godine.

U postupku javne nabavke ugovaranja usluga fotografisanja i obrade fotografija utvrđeno je, da je Komisija za javnu nabavku blagovremeno i pravilno izvršila otvaranje ponuda i ocjenu ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri),
- da su od toga blagovremeno zaprimljene 3 (tri) ponude,
- da nije bilo neblagovremeno zaprimljenih ponuda,
- da je ponuda ponuđača „WOLF MEDIA“ d.o.o. Sarajevo prihvatljiva za ugovorni organ,
- da ponude 2 (dva) ponuđača nisu prihvatljive iz sljedećih razloga:
  1. „O.D. DOKU“ Sarajevo - ponuda nije u skladu sa konkurentskim zahtjevom jer ne ispunjava uslove tačke 4.2., listovi ponude nisu čvrsto uvezani.
  2. „AdHive“ d.o.o Sarajevo - ponuda nije u skladu sa konkurentskim zahtjevom jer ne ispunjava uslove tačke 2.2 pod c). Ponuđač je propustio da dostavi izvještaj o računima poslovnog subjekta koji izdaje Centralna banka BiH.

U postupku donošenja ove odluke, posebno su cjenjene činjenice da je Komisija, pravilno i potpuno izvršila ocjenu kvalifikovanosti ponuđača u skladu sa kriterijima iz konkurentskog zahtjeva za dostavu ponuda.

U postupku ocjene provedenog postupka, Rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija pravilno postupala, te da je izbor najpovoljnijeg ponuđača izvršen na osnovu Zakona o javnim nabavkama i podzakonskim aktima i konkurentskim zahtjevom.

Najpovoljniji ponuđač je izabran primjenjujući kriterij „najniža cijena“, koju je ponudio u iznosu od **10.252,00 KM** bez PDV-a i popusta.

Iz navedenih razloga, primjenom člana 64. stav (1) tačka b), člana 70. stav (1) i (3) odlučeno je kao u dispozitivu ove odluke.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi u roku od 5 dana od dana prijema odluke. Žalba se podnosi putem Ministarstva odbrane Bosne i Hercegovine.

**MINISTAR**

---

**Zukan Helez**

**Dostavljeno:**

- O.D. "DOKU" Sarajevo  
e-mail: nidalsaljic@dokuagency.ba,
- "WOLF MEDIA" d.o.o. Sarajevo  
e-mail: lejla@wolfme.ba,
- "AdHive" d.o.o. Sarajevo  
e-mail: ines.pasovic@adhive.agency,
- Ured za odnose sa javnošću MO BiH  
(objava na Web stranici),
- a/a.